

Swcigih Minzyijvej Dinghdiemj Mbanjbangrex Banh Gaiq Daeuz Ciet Mbaetsou Sahyinz

自治区民语委定点扶贫村举办首届砂仁采收节

Bonjbauq siusik (gicej Dangz Lungz dunghsinyenz Cangh Gvancuz) 9 nyied 1 hauh, Swcigih Minzyijvej dinghdiemj mbanj-bangrex—Ningzmingz Yen Swlang Yangh Baidaiz Cunh banh gaiq daeuz ciet mbaetsou sahyinz. Swcigih Minzyijvej Gihgvanh Dangvej conhcz fusuhgi、yinzswcu cucangj Veiz Bazci, Ningzmingz Yenvej cangzvej、fuyencangj Veiz Dungjbinh, Ningzmingz Yen Yinzda cangzvej fucujyin Lingz VeiHungz, Swlang Yangh Dangvej suhgi Nungz Yenzswng, Swlang Yangh yanghcangj Liz Mingzvaz daengj 100 lai boux vunz daeuj yawjngonz camgya hozdung.

Ngoenzhaenx, yienhcieingz haiguh le yawjngonz mbaetsou sahyinz、langhbaiz huq sahyinz、sahyinz bingzbeij deuqnyex doxdax、aen hoih yaenglwnh sahyinz canjnieb daengj hozdung. Yinx ndaej haujlai boudaeuz daj gunghsw、giyez Namzningz nem henzgyawj yienhcin cwngefuj daengj daeuj yawjngonz caeuj yaenggangj, yaenglwnh gij vwndiz baenzlawz doenggvaq sahyinz canjnieb hwngfat、guhHung caeuj daezsang, daiqdoengh ranzungzhoj vut gungz baenzfouq daengj.

Ciuq cam rox, Baidaiz Cunh daengx cunh miz 9 aen mbanj 500



▲ Geij dah sau gyaoundei Mbanj-cuengh cingq mbaetsou sahyinz.

lai ranz ndaem sahyinz, dajndaem mienhcik 5000 lai moux, bi sou ndaej lai bingzyaenz moix moux sou ndaej sahyinz ndip daih'iek 200 goenggaen. Seizneix sahyinz ndip gyaqsou ca mbouj geijlai gaen 40 maenz. Ciuq doenggeiq, bineix daengx cunh gujsuenq sou ndaej sahyinz 4 fanh gaen baedauq. Doenggvaq banh baez hozdung neix, caenh'itbough daezsang gij mingz-daeuz sahyinz aen cunh neix, dwk ok daegsaek doxgaiq reihnaz binjbaiz,

guh hung guh ak daegsaek canjnieb, daiqdoengh daengx yangh cingcinj bangrex canjnieb caenh'itbough guh-hung、swnggaep.

Aeu mak guh moiz, aeu ciet guh yienz, doenggvaq baez ciethoih hozdung neix, yinx ndaej haujlai giyez、canghseng'eiq、vunzlai daeuj yawjngonz, daezsang gij mingzdaeuz sahyinz, mizleih doidoengh aen cunh neix doenggvaq hwngfat、guhHung、daezsang sahyinz canjnieb, saed-yienh vut gungz baenzfouq.



▲ Youq dieg ndaem sahyinz hai gaihmuji.



▲ Langhbaiz huq sahyinz.

Dasinh Yen Banh Fwencuengh Haeuj Hagdangz Lauxsae Beizyinbanh

大新县举办壮语山歌进校园教师培训班



▲ Gyoengq lauxsae camgya beizyin haenx hab'ingi.

Mboengqneix, Dasinh Yen Minzyijban、Gyauyuzgiz caeuj Ndawbiengz Fwen Hezvei lienhab youq Aen Cungsime Rogdangz Hozdung Hagseng Bouxcoz Nyezrauh aen yienh neix banh cungh siuj hagdangz Fwencuengh haeuj hagdangz lauxsae beizyinbanh. Baez beizyin neix iucingj aen yienh neix Minzyijban cujyin Cau Van'gyauj daeuj son'gyauq vah saw minzcuz Dasinh Yen caeuj gij cingzvgang

vwnzva ndawbiengz minzcuz, lij iucingj geij boux canghfwen Ndawbiengz Fwen Hezvei aen yienh neix daeuj son'gyauq gij ciengqfap caeuj fapgiuj cauxsij fwen baiz、fwen banh、fwen sam coenz daengj, lij son gij daegdiemj cauxsij go Vahcuengh Dasinh caeuj cekgej cozbini dem. 47 boux lauxsae camgya beizyin haenx, cungi nyinhcaen roengz sim hag, hwnjdangz ciengzseiz caeuj lauxsae son'gyauq haenx guh doxgyau, goqdangz heiqfaenh nauhyied raix-caix.

Doenggvaq baez beizyin neix, yaek engq mizleih Fwencuengh haeuj hagdangz haeuj goqdangz, coicaenh vwnzva conzdungj minzcuz mboujduenh fat-yiengz swncienz.

Ciuq cam rox, aen yienh neix bimoq "sam nyied sam" geizgan yaek banh daengx yienh cungh siuj hagdangz Fwencuengh daih-comzyienj, langhbaiz gij sonhag cingzgoj Fwencuengh haeuj hagdangz Dasinh.

(Hij Denjminj/许典敏)

Mungzsanh: Beixnuengx Yauzcuz Angqhoh Ciet Fangse

蒙山：瑶胞欢度放赦节

9 nyied 4 hauh(liggaeuq ndwenbet coseiq), dwg ciet fangse beixnuengx Yauzcuz Mungzsanh Yen Yayiz Yauzcuz Yangh moix bi gvaq baez haenx. Ngoenzhaenx gyoengq beixnuengx Yauzcuz daenj buhvaq ngoenzciet moqsag doenggvaq biuiyienj yisuz ndawbiengz、doiq fwen、doxdax diyzuz Yauzcuz、bau aendomq、diuq foux Yauzcuz daengj hozdung, yungh gij fuengsik yenzswngdhai haenx angqcoux bouxhek dieggiae daeujdaengz, caemhcaiq maqmuengh fwn yinz rumz swnh, haeuxgwn fungsou.

(Gvanh Sinh/关新 Dai Lenzswng/戴连升)



▲ Bouxhek daejniemh diuq fouxsaux.